

卷之二 人民

人爲萬物之靈民是國家之本連袂成雲齊之所以稱霸也十年生聚越之所以復興也靈邑據山川之勝概扼東西之咽喉苟雞鳴犬吠之相聞庶蠶食鯨吞之可免是有疆域以後人民實爲要素茲分八款臚列于後

甲 戶數

漢封功臣以戶爲準唐立庸調以戶爲差教富在庶之後社稷較民猶輕此孔子所以遇負版必式也志戶數

第一區 二十四保二百五十五甲二千四百九十一戶  
第二區 五十七保五百四十九甲五千九百一十六戶

靈寶縣志

卷二

人民

新豫印刷所承印

第三區 四十八保四百三十甲四千三百九十四戶  
第四區 八十三保八百四十六甲九千三百四十九戶  
第五區 十七保一百七十九甲一千八百四十三戶  
第六區 三十九保四百一十五甲五千五百一十戶  
六區共二百六十八保二千六百七十四甲二萬九千五百零三戶

考前清同治十二年分民數戶口奏銷合縣共三萬三千二百五十六戶迄今六十餘年不惟不增反減去三千七百五十三戶民以日少地以日荒修志者不禁有盛衰之慨焉

乙 男女口數

中國歷代政治都以家族爲單位現時澈底調查應以個人爲單位考各地生齒情形有女多男少者有女少男多者女多男少生齒必繁女少男多生齒必稀此人種進退之公例也志男女口數

第一區男五千八百三十口 女四千九百六十七口

第二區男二萬三千零六十六口 女一萬九千六百四十

八口

第三區男一萬五千一百九十口 女一萬二千九百三十

九口

第四區男二萬四千六百五十三口 女二萬零九百九十

靈寶縣志

卷二

人民

九口

第五區男六千八百八十九口 女五千八百七十口

第六區男一萬三千三百六十一口 女一萬一千三百八

十一口

六區共男八萬八千九百九十一口 合計一十六萬四千七百

九十五口

男多于女一萬三千一百八十一口

丙 性情

城市之人其性蕩山野之人其性滯處沃土者無遠志失教育者多佚行靈邑山嶺重疊交通不便安土重遷心地質樸

故官茲土者較之他邦爲易治志性情

一重品行 靈邑百姓首重品行不惟紳學兩界以干涉詞訟爲恥以認識差役爲羞卽鄉曲之農民亦以片紙不入衙終年不進城爲榮其稍有不孝不悌之事及貪財敗檢之行則婦孺皆嗤之矣

二耐勞苦 靈邑百姓最耐勞苦城市之人勤負販終日奔忙業農者多無牲口其送糞納稼多以人力汗流浹背氣喘吁吁實堪憐憫四鄉之戶山野之民終年作苦不肯稍休冬春餘暇一人一驢送城市之貨于山中轉山中之粟于城市俗語謂之盤山直至東作屆期盤山方休終歲之

間無一逸日情亦苦矣

三好獨立 靈邑百姓無依賴性雖父子兄弟均以相靠爲恥是以衣食可減勞力可增一言諂人爲生賴人相濟則親族皆笑之本人亦恥之其自立之性實有可取者焉

四無進取思想 靈邑百姓安貧樂賤終年作苦不以爲勞若令其營商作宦則羣視爲畏途蓋有視離鄉爲莫大之苦視官商如登天之難是以中人之家有三五十輩足跡不出一村者其安分固可取其拘滯亦堪憐焉

五無團體思想 世界進化經濟日難非有團體工作但憑個人之能力必難求物質之進步靈邑百姓如同散沙個

人不信用個人個人更不信用團體今雖交通日進教育日開而個個不相信之劣根實深印于腦海故各種合股事業未易提倡是以進步較他邑爲遲

六無政治思想 共和之精神在憲法憲法根基之淺深在人民自治能力之厚薄蓋欲易人治爲法治非一人之進化實一羣之進化也靈邑風氣不開個人全無政治思想故立鄉鎮也立保甲也立自治區也乃一區之民視區內一切之事爲區長一人之責莫肯幫助一保之內視保內一切公事皆保長一人之責莫肯相輔劣根甚深轉移不易欲求不變非改良教育切實訓練恐未易進步也

丁 風俗

遵國家法令而奉行者謂之政治本地方習慣而演成者謂之風俗故移風易俗者必其風俗之有碍于政治者也禮從宜事從俗者乃法令人情兩不相背也周禮職方氏掌九有之版圖歲採里巷歌謠以爲貢蓋欲國家知地方之風俗可以本人情而出治也靈邑開疆最古習俗複雜欲施政教不可不明其本相焉志風俗

婚姻男子十歲內外其父母爲之探訪婚姻擇某家門第相當女容端正則送致酒肉奉央媒人謂之送酒媒人接男家酒鐘後無論女家願與不願男家卽不准反悔擇日往女家

達意謂之進門進門之日只能代達男家求婚之意請女家  
詳細打聽願與不願緩日候信女家于媒人進門後切實詢  
訪男家家道之豐嗇女壻之賢愚詢訪明確不願則託故謝  
絕願時則擇一吉日託媒人轉達男家于是日納<sub>采</sub>綵謂之約  
日子至期男家將禮物備就請媒人送至女家女家亦預備  
回禮其本日換龍鳳大帖者謂之換允其不具帖而僅送禮  
物者謂之換東西東西既換則兩家婚姻從此作定論矣將  
至完婚之年男家將日子擬定具帖請媒人及女家之家長  
至男家商議婚期其帖謂之會親請子女家亦多不到但允  
男家完婚時即將會親請子收下以表同意若將會親請子

退回卽表示不承認完婚之意若兩家同意卽擇日央媒人  
送首飾衣服于女家並送迎親日期謂之送課書課書者卽  
男家請陰陽先生所卜之課也課書送後男家預備酒食送  
帖于親朋奉請至日受拜女家預備裝奩送帖于親朋奉請  
至日光送及期男必親迎女家邀集親族送女男家設酒相  
待本日卽拜天地拜天地後行廟見禮廟見後男拜女家親  
族女拜男家親族謂之拜客親朋散後然後行合巹禮此靈  
寶婚嫁風俗之大概也

喪葬 當父母病劇之時衣衾棺槨之厚薄全無定式一以  
家資之貧富爲標準至屬纊之際必須燒紙馬楮幣俗言謂

之燒倒頭紙彷彿爲死者饑行之意燒倒頭紙後卽殯死者于客室男女坐草守喪每夜三更後必燒紙一次謂之燒雞鳴紙及葬期貧者則稱力掩埋略有家資者必先一日請禮生四人送葬之前一夕于靈前祭奠謂之家祭家祭之禮以四節爲準進饌三次撤饌一次每次祭畢樂人演樂至葬時有懸棺成主者請親朋之有人品善書法者至坟前將棺懸墓上行禮成主成主後始埋葬葬後之前三夕每至日落孝子必提燈至坟上燒紙謂之打怕怕既葬之第二日必須上坟燒紙謂之奠湯亦謂之跣院從絕氣之日始每遇七日上坟一次一共七七四十九日上坟七次至百日再上坟一次

謂之過百期以後頭週年二週年上坟兩次至三週是爲大節葬時未成主者多于三週補成請禮生致家祭招親朋三週日將歷年所燒之紙灰封于燒紙盆中送至坟上埋掩謂之送盆子若盆子不送或送盆子時不招集親朋不大完過者卽爲不孝過此以後每年清明及六月六日兩次拜掃爲常久之禮此靈寶喪葬風俗之大概也

### 戊 生活程度

爲庶爲富聖教之門不飢不寒王道之本蓋衣食足則知榮辱往古來今總如斯也靈邑民風自來質樸終歲勤苦銷耗無多詳細調查平均計算能勤能儉可憐可憫當爲問俗探

風者之所欲知也志生活程度

一衣 靈邑百姓除紳學界少數之人間以綢緞洋布爲衣其餘普通多數之農民均以土布爲主俗言謂之家生布每人每年約費棉花五斤至立春後男人向田野工作女人均日夜紡績每日平均紡線三四兩紡罷卽織至二麥將熟各家女人皆將其全年所用之布織成夏衣卽用白底冬衣間染黑藍一人全年之鞋襪衣服鋪蓋均取給于此五斤棉花畢生不知綢緞洋布爲何物其自奉亦可謂儉矣

二食 靈邑人民除居城市者多數食麥粉外其居鄉者中人之家半年食麥半年食包谷雜糧至貧寒小戶則每年食麥之期不過麥罷一兩個月其餘全食包谷雜糧每人每年以五百斤計算食麥百斤食雜糧四百斤至菜菔調和燃料中人以上之家每人每年約須十元中人以下之家燃料則取之于山菜蔬則取之於野油醋則製之于家其所求于商市者每年鹽十餘斤而已故每人每年只一兩元而已足如第從城市上飲食觀之則永遠不知農民之苦矣

三住 靈邑城市人多房少有一院而住七八家者冬日尙可夏令炎熱多得暑症空氣不潔衛生有碍至四鄉之間

山陬之內其靠崖谷者純以土窯爲居至有數百年不知房屋爲何境者其平原之中中人以上之家始有房屋其中人以下之家多于平地下掘一深坑坑內剜窯謂之地陰院又有于平地純用土甃砌起合成窯形謂之鋼窯每遇陰雨傾塌堪虞其窮亦可憐矣

四行 人生于衣食住之外行爲重要靈邑山嶺重疊川流縱橫交通最感不便除城東二十餘里平原可以行牛馬大車外其餘均係山僻小路逼窄異常一切耕田轉運多用驢力讀漢書至西漢末年謂民間至有以驢耕者史官載之以爲苦象靈邑今日至無人不以驢耕且有欲買一

驢數年不得者其轉運耕田至純用人力苦中之苦非目覩親受者不知也統計靈民生活之程度城市之人平均計算每年每人非六十元不給四鄉之間每人每年有三十元即可若遇水旱偏災欲求三十元之生活亦不可得其苦况實不堪言矣

### 已 工商情形

工可變原料爲有用之物商可移有餘于不足之地交通未闢之先各縣皆閉境自封享用簡單自輪船縱橫鐵路如織以工商爲業者日富以農爲業者日貧優勝劣敗天演公例靈邑號稱宏農工商不講循此不改經濟必至于大困古云



窮則變變則通來日方長何可膠柱鼓瑟耶志工商情形  
工業向無基礎本年始由公家創立民生工廠織布疋毛巾  
等物然規模太小出貨無多逐漸提倡或有成效

本年又由各銀行來靈于縣城北關創設棉花打包廠兩處  
現正修築房屋本年冬間即可開始工作其餘木工瓦工均  
係人力毫無起色鐵工有爐園兩處尙可鑄各樣鐵貨但無  
大機器所鑄貨物亦僅粗笨農器居多此靈邑工業之大概  
也

商業 靈邑向無大商所有縣城統鎮兩處雖有商號數百  
家皆不過零星小販略權子母以糊口耳棉花出境雖爲大

宗然亦無正式商家各處小販搗賣營業冬作春息此開彼  
歇亦難稱爲商號加以農村破產商家亦連帶受虧每年歇  
業者必十餘家使無救濟農村之法欲望商業之發達不可  
得也

靈邑棉質甲于他處南山煤礦亦富若能提倡紗廠開採煤  
斤工業既興布商煤商源源而來則地方之富源開農村之  
經濟亦裕將來之希望全在地方官紳之努力提倡焉

### 庚 主要職業

一人失職社會受累一日無業坐食山空必地方常無閑人  
斯經濟始有生氣靈邑人民十六七萬每年外來百貨銷售

于靈者約值一百六七十萬元每人平均負擔十元正雜各款之上解者近四十餘萬遊學費教育費不下十萬外省外縣之人來靈經商作工爲師爲傭其數不下兩三千人每年工資不下二三十萬加以本縣各機關之消耗統計須三百萬內外此靈民重要之負擔而衣食之資尙不在此查靈民主要職業不過男耕女織田間少一耕夫則糧食之出量必減機上少一織女則布疋之入口必增當此工商幼稚時代維持舊日職業爲獨一無二之辦法倘舊業已失新業未開其危險不堪言狀焉志主要職業

靈邑之男人以耕田爲正業卽家產甚豐之人亦莫不日日下地學生放假期內亦必帮其父兄工作俗語有云土氣若退其家必落實經驗之言也近日人心不古各村少年間有不努力耕田者是鄉村之隱患也

靈邑之女人以紡織爲正業雖機器粗笨每日所出無多而家家如是人人如是時時如是則以一縣之女工供一縣之衣服而有餘近日洋貨輸入女心漸奢中人之家皆欲以洋布爲衣向之所謂家生布者日少一日亦鄉村之隱患也欲維持靈民之職業必先改良耕田紡織之機器以增加生產若麵則洋麵布則洋布新業未興舊業已失則前途亦大危險矣

辛 遷出遷入

一邑之中遷出一人則少一人之生產遷入一人則多一人之工資古人以封疆域民良有以也靈邑連遭匪旱丁壯遷徙傭工短少外民羣來亦戶口減少之一隱機也志遷出遷入

靈邑百姓本安土重遷民國十七八年之間土匪縱橫鎗斃全家者日有所聞民無固志遷徙出境者日必數十家近二年來秩序略定而各村百姓尙未盡回蓋驚弓之鳥痛定思痛其心以爲地方雖云少定而土匪餘孽未盡將來必有復猖之一日故預謀三窟未敢全歸其爲土匪積威之所劫志

亦苦矣欲其全歸斯在有地方之責者示以穩固之保障解其胸中之狐疑則故里可樂誰願常作飄蓬耶

靈邑自匪旱頻仍主戶逃亡時雨旣降傭工無人故南山一帶多有內鄉鄧縣浙川一帶之窮民攜眷來靈租田耕種得利則留失利則去難作一定之戶口稠桑一帶黃河灘地甚廣近有山東僑民隨意耕種遇黃水不大發之年其得利者亦不少焉其他四鄉之中所覓之雇工多有洛陽偃師許州諸縣之人春來冬去習以爲常若綜閭縣計之每年溢出之工資亦成巨款若能于遷出者設法挽回之于遷入者永遠安輯之久而久之人民自增矣